

OKRUŽNOM SUDU U DOBOJU

Na osnovu člana 43. stav 2 tačka z) i čl. 241. stav 1 Zakona o krivičnom postupku RS, podižem

O P T U Ž N I C U

PROTIV:

1. IBRAHIMOVIĆ SELVEDINA, rođen 2004. godine u Doboju,
2. IBRAHIMOVIĆ MUHAMEDA, rođen 1994. godine u Gračanici,

ŠTO SU:

Dana 11.12.2024. godine, oko 15,00 časova, u mjestu G., grad Doboj, a pošto su u ranijem periodu osumnjičeni Ibrahimović Selvedin i Ibrahimović Muhamed od oštećenog B. M. kupili dvoje teladi za iznos 2.600,00 KM, da bi ga potom zvali nakon mjesec dana da vrate telad, jer su bolesna i da im oštećeni vrati novac, na što oštećeni nije pristao, da bi potom po prethodnom dogovoru sa osumnjičenim S.S.1 i S.S.2, a u namjeri pribavljanja protivpravne imovinske koristi, upotrebom vatrenog oružja prinudili oštećenog B.M. da učini nešto na štetu svoje imovine, na način da je osumnjičeni S.S.1 prethodno kontaktirao oštećenog B.M putem telefona i sa njim dogovorio kupovinu dva teleta, te došao putničkim motornim vozilom marke „BMW“, sive boje, u mjesto N.M., opština Tešanj, gdje se nalazi kuća oštećenog, nakon čega je po cijeni od 3.300,00 KM kupio dva teleta i oštećenom dao kaparu u iznosu od 200,00 Eura, te se dogovorio sa oštećenim da mu telad preveze do mjesta S., grad Doboj, nakon čega su se uputili prema mjestu S. i to tako što je prvo išao S.S.1 sa svojim vozilom marke „BMW“, a za njim je išao oštećeni sa svojim vozilom VW „Touareg“ sa prikolicom u kojoj su se nalazila kupljena telad, te dolaskom u mjesto G. i prolaskom kroz centar mjesta, osumnjičeni S.S.1 je svojim vozilom skrenulo lijevo prema pružnom prelazu, a potom vozilo zaustavio na sredini ceste i izašlo iz vozila, te prišao vozilu oštećenog, nakon čega je oštećeni otvorio prozor, da bi mu tada S.S. opsovalo majku i familiju, govoreći „Vidiš kako si došao gdje treba“, pa kada je oštećeni izašao iz vozila, S.S.1 mu je pokušao zadati udarac u predjelu glave, što je oštećeni izbjegao, da bi se u tom momentu, iza vozila oštećenog zaustavilo putničko motorno vozilo marke VW „Golf III“, crne boje, iz koga su izašli osumnjičeni Ibrahimović Selvedin držeći u ruci metalnu šipku i njegov brat osumnjičeni Ibrahimović Muhamed držeći drvenu letvu, te su prišli oštećenom i navedenim predmetima oštećenom zadali više udaraca u predjelu glave i tijela, nakon čega je oštećeni počeo da bježi, da bi tada došao osumnjičeni Salihović Sanin koji je držao automatsku pušku, kojom je počeo da puca u pravcu oštećenog, te je oštećeni bježeći došao do ograde te su ga osumnjičeni sustigli i oborili na zemlju, a potom su mu sva četvorica osumnjičenih zadali više udaraca rukama, nogama i štafnama po cijelom tijelu, nakon čega ih je oštećeni molio da ga puste, da će im dati telad i vratiti kaparu, te su mu rekli da sjedne u svoje vozilo i da telad vozi kući od osumnjičenog Selvedina, što je isti učinio, a sa oštećenim su u vozilo sjeli osumnjičeni Ibrahimović Selvedin, Ibrahimović Muhamed i S.S.1, dok je osumnjičeni S.S.2 sjeo u putničko motorno vozilo „Golf III“, te dolaskom do kuće od osumnjičenog Selvedina, jedno tele su istovarili iz prikolice i odveli ga u štalu, a drugo ostavili, pribavivši sebi

imovinsku korist u iznosu od oko 1.700,00 KM, te je oštećeni B.M. osumnjičenom S.S.1 vratio kaparu u iznosu od 200,00 Eura, a potom su oštećenom zadali još nekoliko udaraca rukama po glavi i tijelu i zaprijetili ako prijavi policiji da će doći kući i da će ga ubiti, te da ne zna s kim ima posla, kojom prilikom je oštećeni zadobio tjelesne povrede u vidu krvnih podliv u okolini očiju, oguljotine na koži lica, iščašenje zgloba između druge i treće falange desnog kažiprsta, nagnječno razderna rana i prelom distalne falange trećeg prsta desne šake, krvni podlivi na trbušnom zidu, te na lijevoj nadlaktici, podlaktici obje natkoljenice

dakle, u namjeri da sebi ili drugom pribave protivpravnu imovinsku korist silom ili prijetnjom prinudili drugog da nešto učini na štetu svoje imovine, a pri izvršenju djela je upotrijebljeno oružje

čime su kao saizvršioци počinili krivično djelo iznuda iz člana 232. stav 3, u vezi sa stavom 1 Krivičnog zakonika Republike Srpske, a sve u vezi sa članom 37. istog Zakonika.

OKRUŽNI JAVNI TUŽILAC

Napomena:

„Podizanje optužnice protiv određene osobe ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom sudskom presudom ne utvrdi njegova krivica“.